

有泰駐藏日記

第二冊

新刊
平聲
和聲

PDG

有秦駐藏日記卷二

吳豐培 整理

二十九年四月初一日己刻（因早雨）發岐山縣大令仍假病差送其家人皆怨大約未戒於得其實不過四十餘歲沿路有土坡因上坡後妞妞轎前抬桿忽折幸大驚一次無別虞可謂不幸中之幸矣（記癸未到陝王仲仙轎絆在河灘上忽斷轎竟翻轉）所以轎上各件須時常留神行路者不可不知也渡紅水小河一道至紅水村茶尖鳳翔縣備（二十里）尖後西北岐山即在面前南太白山為雲霧所遮隱耀露山跟將至府路左有鳳女碑并過通濟橋有石路一道因雨後甚難行卅里至鳳翔府鳳翔縣進東門

公館宿站共行五十里連日路不易行而後之過也府縣縣丞均迎接來晤傳相澂太守名世緯行一四川省城人與茂軒有親乙酉舉人丙戌翰林花翎三品銜在任候補道人明白潤泉大令名記佩行二鑲黃漢人姓于咸豐己未一榜鹿滋翁同年花翎同知銜在任候補直隸州此調署本任岐山縣左公惠亭此姓甚少名思傳河南人此處有東湖乃宋蘇文忠遺蹟詢相澂太守云本可作行館因刻下修葺不便也惜哉城內公館正房係至斯堂乃前縣侯鳴珂號韻軒淮南人所懸本為鹽道署鹽道駐省城因貢使駐藏等差皆以考院作行館不便因修要作來往公館至斯二字取君子至於斯也之意頗新穎至斯堂

記云、是館舊為益道公署、規制頗宏、後移會垣、遂改建行臺、為
星使駐節地、緣鳳郡當入蜀之衝、藏使貢差、輪蹄絡繹、萬不能
無驛館以待往來、奈歲久失修、頽敗過半、每遇差使輒借考院
居之、夫考院所以試士、非以應差、不過使節按臨、尚堪遷就、倘
而差一時竝集、則顧此失彼、貽誤必多、庚辰春珂攝篆來茲、隨
擬重加修葺、謀之邦人士、咸欣然樂從、惟經費浩繁、捐貲不易、
爰於里局素派差徭內、撙節動用、即命局紳剋日興工、閱三月、
將次告竣、督學樊介軒太史適往試漢南、首先戾止、文昌、新入
邦舍增祥、珂因取封人得見君子之義、顏其堂曰至斯、用誌慶
欣、光緒七年上巳後一日、楚南侯鳴珂

號韻軒圖書中看出

識并書。

初二日早發鳳翔府。傳太守諸君相送。沿路尚易行。十里過八旗
疇（土言未准）廿里至速村小觀音廟內茶尖。鳳翔縣備不甚遠。
即走山坡。乃轎子行路甚險。過陳倉河（土音乾陽河）有有橋處。
有涉水處。水不深。至底店鎮尖站。寶雞縣備。鎮內水府神廟。賽
會男女甚多。與夫所云如此。尚有兩石似龜形。遂謂水府神所
治。遂沿北山而行。雖有車路。上下登頓頗費力。道窄坡高。覺險。
俗云。寧走連雲八百棧。不走寶雞至底店。路站里數又大。南即
渭河。坡下無房間。沿北山皆房。過鬥鷄台（上有廟。亦在坡上）坡
下水田種稻者多。風景不惡也。有石像座有碑。僅看得正德二
字。至黨閣老墳。停轎略歇。復渡河。又沿寶雞縣城外山坡行。亦

險進東門公館宿站共七十五里（此官話有云九十里）縣令朱
右甫（名弼臣江蘇宜興人）己卯一榜花翎四品銜在任直隸州
本任長安調今缺常州官聲未免深愧縣丞李立夫（名履泰河
南伊陽人）典史張健堂（名日貞湖南長沙縣人）把總白星階（名
榆長安縣人）均迎接並來晤偶見壁間挂恭勤公書聯因與朱
明府面索慨然持贈晚間送到轎杆一份答以暫借因轎杆亦
有劈者轎鋪太可恨。

初三日早發寶鷄縣縣丞等送城門出南門渡渭河朱右甫大令
送過河而別河有西浮橋過西道橋後見渭河內偏南有清水
一道合流乃山中所出為汧水或謂觀音堂所出非沿途水磨

甚多。道既窄，又下臨河道，耳目皆另具一斷新奇也。過集店甚豐，名陰門陣（在藏與拉里糧務孫玉書談及陰門陣乃益門陣所訛）。卅里楊家灣略停轎，內有小廟，所供神像皆未曾見。復過大灣舖，又過二里關，即大散關。上坡後不能停留，復下坡，道峻險。又廿里至觀音堂宿站，共行五十里（或云六十里）（本尖站至黃牛舖須一百一十里，乍入山恐勞乏人事也）。沿路花木大非渭北多，多不知名者。店在路南不正，南山則樹木叢生，北方所有一看水磨水羅，亦不讓外洋機器也（水羅下安輪，似磨少小，上有木拐衝動，則左右搖之，水磨下作輪，邊用薄板，以水灌之，自行動，惟下盤活似少異）。

初四日早發觀音堂十五里至煎茶坪略停轎因過下半坡上半坡不但抬轎者力乏坐轎者亦力乏適修闕帝廟有小泥像在外地保來接鄉保且陳拜墊知敬官行禮後上轎有公鷄一隻在轎杆內滿地是血幾乎飛入轎謹行禮見山坡上懸鐘一架詢之土人此鐘不宜擊擊必有雨下煎茶坪後道路稍平然仍鑲石子又卅五里至黃牛鎮尖站（仍寶鷄縣備）尖站後間有土道沿河而行水西南流即所過東河橋下故道水也惟沿河山上半腰開道道覺高險將至宿站有高柳若干株下臨極清水如夏日乘涼甚佳處且四面皆山又廿五里（或云卅里）共行七十五有八十里）紅花鋪宿站（屬鳳縣非宿站即在店店尚干淨

滿壁新畫人物可笑。

初五日早發紅花鋪沿河而行十五里過草涼驛即山上半腰棧道路寬且有架木處有三四尺五六尺窄則僅可行轎又廿五里至白家店塘尖站鳳縣備尖後幫轎夫八名已逃其七僅有一名劉易又過五星臺則棧道更高至石門關稍低(須入門內穿行有廟共行廿餘里又廿餘里似路少低上下仍不免又十里至鳳縣(屬漢中府)東關(店內)宿站共行九十里或云八十五里東關有唐張果棲隱處石碣北山半有張果老洞亭內有棋盤(轎夫老容云曾往偷鐵棋子重七八兩)第二日尋之無有再往原處一看則仍在彼未知確否(田德等往洞內一看果有鐵棋亭)

並有某令作記其棋子有飯碗大已短一將用木刻配之老客
之語故神其說耳縣令羅西棠名振鷺行六同知銜湖南善化
人未得接並未來見因冬日脚凍未愈也今日在草涼驛前後
見有四川省男女多人因彼處旱荒逃往陝省與夫皆謂其必
有陝省親眷其有感而言亦可知其焦灼非常

初六日仍住鳳縣自寶雞縣起身早晨覺胸口氣滯作痛第二日
尖站後復如此昨日晚飯後又覺前後胸皆不適今晨四點鐘
即起先出恭則渣滯甚多前後胸作痛兩脇兩膊亦痛以為串
氣所致服舒肝丸似少減覺散氣劉差官拿來觀音救苦丹服
之(四丸一服)出盛京

初七日、因病仍住鳳縣。早服四君子丸、連日自備麵、每斤十六文、肉每斤五十文、無怪蜀中貧人投此處者多矣。未刻忽落雨、兼有小雹。始聞雷聲、晴後至店外一踏、見山上有果老洞、鐵碁亭、記鳳州四面皆山、最近而巍然以高者、豆積山也。山已半石室、呀然中奉今果仙像、故道水繞其麓、清絕如海上蓬萊。世稱爲果老洞云。洞之外、迤而平者丈許、有鐵碁遺迹、製頭奇古。余懼其久而淹也、因亭以覆其上、越月工竣、置酒於亭而落之。酒酣憑闌、見夫城郭市廛、關梁道路、以及田疇之高下、山川之阻深、無不釐然在目。且余每遊必與邑人偕、凡民間之休若歲餘、得以周歷而省視之。邑之人亦樂與吾親而自吐下情。故歲收之豐、

歎人事之勞勩。時觸於目而識於心。然則斯亭之作。非特維持古迹。其於民風吏治。亦將大有裨也。豈惟是流連山水吟嘯風月云爾哉。後之官斯土者。試於公餘之暇。登亭而驗余言。必將葺而續之。以永於不朽。仍以鐵棊名者。志神庥也。過河窄橋山路亦陡。未去看麥田樹下活水溝。因思珍五鈔村不置。

初八日。病略見好。惟兩脇尚有痛時。店房臊臭非常。只得早發鳳縣。進東門。出西門。順南上山。羅大令遣人來送。實病不能下床。已三閱月矣。二十里至烟簫溝。略停輜。又五里過鳳嶺。有去天尺五石刻。俗名南天門。順山腰行。迴望鳳穴。輿夫云。霸王生處。有龍生虎養鵬打扇。真不值一笑。憶幼年過此。與奶娘姜姬同。

輜誰余云鳳穴有壽星老出現余注目視之終未見也今過此
不覺為之一笑然此語已五十年矣有云三丈許似洞前有小
樹一株過新紅峽山間柏樹甚多不過大者三四尺據云名千
年柏蓋不高長移下則不然又十餘里至古廢邱闕有木橋上
有廊有欄似福建橋形亦奇又十餘里鳳縣屬三岔驛尖站站
後地頗平坦廿五里至司馬橋停輿暫憩適在垂柳石溪旁頗
涼爽又十里至留壩廳所屬南星塘(店房亦狹)宿站共行八十
五里。

初九日早發南星公館過連雲寺(連日見高山多石洞似無路可
上詢之輿夫乃避亂所鑿)路左有對面古陳倉道碑看其山甚

多邱壑。過十合鋪。其風景頗佳。有稻田。旱田。溪邊多楊柳。楊樹皆直。綠葉紛披。可入畫。楊柳外時露草房。山下亦有田。臨溪水極清。山上下皆有桃李花。沿途各花看不盡。蓋山外熱。山內冷。所以次第看之。以上十里。又十里至榆林鋪。忽大雷挾雨。停轎苦之。仍恐不妥。冒雨前進。看紫柏山背後。濃雲籠罩。真仙境也。幸走未遠。略住。又十七里過紫關。上下十里。道甚不好走。石路皆不平也。然不險。又八里至紫柏山留侯廟宿站。本尖站。復下雨。只得作宿站。廟內甚佳。有亭有廊。在花園內。即住。其花園活水。四五池。且有小石橋。皆人工所為。正殿在內。供留侯。其三清等殿反在外。花園有芍藥。竹子。牡丹皆好。惜未開。有一株極大。乃

綠色者。玉蘭乃大開。曾入肴饌。且盆花種類亦多。盆花有杜鵑
甚鮮麗。後院有松鼠。時來窺人。尤為有趣。紫柏山留侯廟監院
傅宗漑(號萊賓)有刻字名片。大得官派。送到留侯世家附素書
六章三略共一馬。鹿壽草一包。且云雖純陽性質。并非燥熱。可
服。留侯廟圖木板。陽文郭豫軒明府(建本)臨玉枕蘭亭石刻。林
念航(晉奎之望之祖)司馬紫柏山懷古詩石刻。時帆廉訪(多欽)
紫柏山詩。留侯祠詩。石刻。張詩舫(祥河)留侯廟及棧中雜詩石
刻。施士龍(似道士)作霖。畫松。又畫石。石刻。明趙文肅(號大洲)道
士云。此處自明朝免此地糧廿里。皆文肅公功德。尚有張佳胤
石刻未損。用文肅公原韻。公貞吉詩。歸山詩。石刻各一份。復出

先兄贈前道士了還聯（康游我上烏斯藏蜀道誰吟白也詩上
了還煉師正句下臨演升泰）余因贈傅萊賓道士一聯（黃石素
書欣再讀烏斯白也感重來沿墨書之并識敬語於上先兄恭
勤公過此書聯有烏斯白也句贈了還法師今尚留存余癸卯
夏初經此路故書句復贈萊賓煉士所留鴻跡以誌因緣并承
送素書即此處所刻者故及之漢南朔客有秦書句并識圖章
漢南朔客烏斯使者共行五十五里留壩備晚間廟內備素麵
甚佳又尋其陶文毅石刻并錄先兄所錄舊詩過紫柏山謁留
侯廟題圯上取履事太奇五日一約無乃遲陳編往迹太公法
讀書安能王者師我觀兵法公素習詭云授受實權詞不觀秦

曉下軍事。賈豎容易動以利。因其懈而大擊之。此乃兵家至奇計。傳言公乃韓公子。相韓五世為韓死。鐵椎一擊博浪沙。大索十日乃處匿。古來著書附會多。雖有此言。吾不取。不然。酈生請立六國後。何不翩翩歸故里。相韓之言亦虛耳。吁嗟乎。公之智略真猶龍。神龍首尾安可窮。大臣功高人主疾。龍準何能共太平。君不見蕭何賢相尚繫獄。國士淮陰就拘繫。公獨請從赤松遊。鴻飛冥冥安可求。公之英聲銷息四千載。至今但見紛紛賈豎持兵符。西河郡丞讀留侯傳舊句錄

初十日早雨。至三點鐘始住。只得仍住留侯廟。其中有極高處一亭。名受書樓。（因極高。上至半路氣喘未至。）乃塑黃石公像。旁為留